

INFURMAZIUNS E TERMINS

Chers genituors

Da temp in temp survegnan Els fögls cun infurmaziuns chi pertuochan l'andamaint da l'an scolastic. Cun quista charta comunichainsa termins e datas chi'ns sun già cuntschaintas. Chosas inaspettedas, chi nu sun planisablas ouravaunt, daregia que adüna darcho. Nus ans permettains da decider cò e lo spontanamaing davart ün u l'oter evenimaint. In quels cas orientaronsa a temp ütil. Grazcha per Lur incletta!

Infurmaziuns per e-mail

Per eviter üna massa palperi superpü e per cha tuot ils genituors survegnan las infurmaziuns a temp ütil, vains nus decis da druver in avegnir pü suvenz las medias modernas per comunicher. Ils magisters scrivaron ün cuort messagi süls chats da classa per aviser chi saja ida'our ün'infurmaziun per mail.

Ch'Els fatschan il bain da contacter il magister da classa, sch'Els nu vessan dad avair clappo ün mail zieva l'avis süil chat. Grazcha.

Uras da büro da la mnedra da scoula

Per quist an scolastic velan las seguaintas uras da büro :

-	Mardi	:	da las 08.30 fin a las 11.30
-	Gövgia	:	da las 08.30 fin a las 11.30

Termins per plaschair be tenor cunvegna. Grazcha!

Structuras da di / maisa da mezdi / lecziuns da lezchas

Tenor las annunzchas ans es que pussibel da spordscher las structuras da di, las lecziuns da lezchas scu eir la maisa da mezdi düraunt ils seguaints dis: lündeschdi, mardi, gövgia e venderdi, da las 11.15 h fin a las 13.30 h.

Prüm di da scoula/scoulina 2020/21

L'an scolastic cumainza per tuot las classas primaras a las 07.40 h.

La scoulina cumainza a las 08.45 h.

Causa las imsüras da sgürezza specielas es que permiss be als genituors dals scolars da 1. classa e da 1. scoulina dad esser preschaints süls areals da scoula ed illas chesas da scoula, in resguardand las reglas da cumportamaint e sün pretaisa da la magistraglia es da metter sü üna mascrina.

Imsüras d'igierna e da sgürezza

Sün tuot l'areal da scoula velan las reglas da cumportamaint cuntschiantas – impustüt pels creschieus :

- tgnair distanza
- nu der ils mauns
- tussir/starnüder in ün fazöl u illa foppa dal cundun
- laver regulermaing ils mauns
- cun symptoms da malatia (tuoss, feivra, mel in gula) rester a chesa, contacter eventuelmaing il meidi

Per famiglias chi tuornan da pajais esters supplichains da resguarder las arcumandaziuns e prescripziuns in connex cun üna quarantena pussibla (infurmaziuns suot: bag.admin.ch) e d'aviser que a la mnedra da scoula aunz il cumanzamaint da scoula. Grazcha.

Absenzas d'iffaunts

Sch'ün iffaunt mauncha, supplichains als genituors d'infurmer que ouravaunt a las personas respunsablas :
Magisters da classa, magisters da religiun, mnedra da la maisa da mezdi ed eir als magisters da las lecziuns da
lezchas. Impü sun las absenzas chi pertuochan l'instrucziun da scoulina e scoula da noter i'l cudaschin d'absenza.

Traffic intuorn scoul'e scoulina

Our da motivs da sgürezza Als supplichains urgiantamaing, da nu purter Lur iffaunts cul auto a scoulina, scoula u
a gruppa da gö! Nus vains constato, cha per quist motiv circulescha dapü traffic cul solit intuorn la *Chesa dals*
Pesters ed intuorn scoula.

Nus cusgliains als genituors d'inchaminer culs iffaunts il viedi da scoulina/scoula/gruppa da gö e dals render
attents sün prievels pussibels.

Amiaivels salüds
i'l nom da la magistraglia
Vanessa Roost - Monatsberger